

**LEFAPHA LA THUTO LA GAUTENG**

**HLAHLOBO YA MAKGAOLAKGANG**

**OCTOBER / NOVEMBER 2005  
OKTOBER / NOVEMBER 2005**

**SESOTHO PUO YA LAPENG  
BOEMO BO MAHARENG  
(Pampiri ya Boraro)**

**NAKO: dihora tse 2**

**MATSHWAO: 80**

---

**DITAELO:**

- Pampiri ena e na le dikarolo tse THARO e leng A, B le C.
- Karolo A araba potso e le nngwe, Karolo B araba potso e le nngwe ho tswa potsong ka nngwe ebe ho Karolo C o araba potso e le nngwe feela.
- Karolo ya C ho botsitswe dibuka tse pedi, kgetha buka e le NNGWE feela mme o arabe potso e le NNGWE ho yona.
- Bala dipotso kaofela ka hloko pele o qala ho ngola.
- Nomora dikarabo tsa hao jwalo ka dipotso tsa tsona.

---

**KAROLO YA A  
MEQOQO**

**POTSO 1**

Kgetha se le SENG sa dihlooho tse latelang o nto ngola moqoqo o bolelele ba leqephe le halofo ho isa ho a mabedi.

- 1.1 Ha o tshaba, o tshabe motswalle. Tiisa kapa o hanane le taba ena.
- 1.2 Dilemo tse leshome tsa demokrasi naheng ya rona. Qoqa ka dintle le melemo e tlisitsweng ke demokrasi Afrika Borwa.
- 1.3 Dithethefatsi di ka senya talenta kapa bophelo ba batho. Tebisa maikutlo a hao ka taba ena.
- 1.4 Botlokotsebe ha bo lefe. Hlalosa.
- 1.5 Thelevishene ke sera kapa motswalle wa bana. Hlakisa dintle le dimpe tsa yona baneng ba rona.
- 1.6 Sehloho sa ho se tsebe.

**MATSHWAO A KAROLO YA A: [30]**

KAROLO YA B  
DITEMA

**POTSO 2**

Kgetha e le NNGWE ho tse latelang. Bolelele ba dikarabo tsa hao bo se fete leqephe le le leng, ho balellwa aterese, ditumediso mmele le qetelo bakeng sa mangolo.

- 2.1 Ngolla motswalle wa hao **lengolo** o mo tsebise ka moo o leng maswabi ka teng ha o sa ka wa finyella moketeng wa letsatsi la hae la tswalo.

**KAPA**

- 2.2 Ngolla majoro wa motse wa heno **lengolo** o tletlebe ka matlakala a tletseng diterateng mmoho le dipeipi tse dutlang tse tsamaisang dikgwerekgwere.

**KAPA**

- 2.3 **Sebolelo:** Mme, ke na le taba eo ke batlang ho o bolella yona. Thabiso o re o a nyala.

**Mmasebolelo:** Eng? O bua ka letlakala leo la letahwa?

Ntshetsa puisano ena pele.

(15)

**POTSO 3**

Kgetha e le NNGWE feela ho tse tharo tse latelang. Bolelele ba karabo ya hao bo se fete leqephe le le LENG.

- 3.1 O moetapele wa sehlopha sa basebetsi lebenkeleng le leng la diaparo mme ho na le diaparo tse senyehileng tse sa lokelang ho rekiswa. Ngolla basebetsi **memorantamo** o ba hlokomedisang phoso ena le hore ba kgutlisetse diaparo tse jwalo setorong hanghang.

**KAPA**

- 3.2 Malomao o hlokahetse. Re kopa hore o mo etsetse **obitjhuari**. (**pale ya bophelo ba mofu**)

**KAPA**

- 3.3 O mongodi wa sekolo se phahameng. Ngola **tsebiso** e yang ho mesuwe kaofela ya sekolo o e tsebise ka kopano e tlang ho ba teng. O se ke wa lebala lenanetsamaiso.

(15)

**MATSHWAO A KAROLO YA B: [30]**

KAROLO YA C  
DITSHOMO LE TSA SETSO

POTSO 4

**Bokgeleke ba Basotho** – R.M. Moeketsi

4.1 Bala diqotso tse latelang ebe o araba dipotso.

Tshomo ke mofuta wa ditaba o tshwanang haholo le pale. Ditaba tsa teng di atisa ho ba tsa nnete, tse etsahetseng kgalekgale setjhabeng seo di qoqwang ho sona, mme ba di phetang baa di kgolwa. Ke ditaba tse mabapi le bodumedu, boloi, bongaka, jwalojwalo. Tse ding ke mehlo, ha tse ding di hlalosa tshimoloho ya lefatshe, bophelo, kapa lefu, mme tse ding tsona di bontsha matla a bomodimo.

- 4.1.1 Fana ka mehlala e MENE ya ditshomo. (4)
- 4.1.2 Sepheo sa ho ruta ditshomo ke sefe? Fana ka dintlha tse HLANO feela. (5)
- 4.1.3 Nako eo ditshomo di phetwang ka yona ke efe; hona hobaneng? (3)
- 4.1.4 Fana ka seabo sa baphetwa ba latelang tshomong:
- a) Moetapele (2)
  - b) Mohanyetsi (2)
  - c) Moqabanyi (2)
- 4.1.5 Ngola mokgabiso o le MONG o fumanwang tshomong. (1)
- 4.1.6 Mokwallo/Pheletso ya tshomo ke efe? (1)

**[20]**

4.2 Bala qotso mme o rabe dipotso tse e latelang.

**Qotso A**

Dithoko, ha mmoho le ditshomo, ke yona mekgwa ya pele ya ho bolela ditaba tsa bophelo le bosetjhaba ba Basotho. Le ha ho le jwalo, mekgwa ena e fapane haholo. Ho roka ke ho bokotsa kapa ho rekenetsa kapa ho rorisa motho kapa phoofolo, kapa ntho, kapa ketsahalo e hapileng seroki maikutlo. Ka nako tse ding ke tsa ho soma le ho nyefola se sa rateheng setjhabeng. Ke ka baka leo dithoko di atisang ho ba boiqapelo ba nako le motsotso, ho ya ka moo seroki se susumetsehlang ka teng.

- 4.2.1 Bolela mefuta e MEHLANO ya dithoko tsa bohoholo o be o bolele hore di ne di etswa ke bomang, tlasa maemo afe a ditaba? (10)

**Qotso B**

Boithabiso bo boholo ba banna ba sa leng batjha mme ba le matla, ha mmoho le bahlankana, e ne e le mohobelo.....

4.2.2 Fana ka dikarolo tsa mohobelo, o be o hlalose karolo ka nngwe. (10)

**[20]**

**POTSO 5**

***Pelong ya ka*** – S.M. Mofokeng

5.1 Bala diqotso tse latelang ebe o araba dipotso.

**Qotso A**

Hoba dintho tse etsahalang ka hlahlobong, ngwaneso, ke tse ding le tsona. O a kena mme o simolla ho lwana, hobane ke ntwana ya nnetennete. Ha dipotso di shebane le wena mohlomong o a bososela, hobane o tseba yona palo e hlokehang feela. Mohlomong ho leffi, ho re tsho! Mofufutso o thunya phatleng mona le ha e le mariha, ho bata. Hore o ye ntle le ha mohlomong o ne o ile teng pele o eso kene ka hlahlobong – o a thalatsa, o sheba kwana le kwana. Qetellong o a inehela.

Mohlomong o tseba dipotso kaofela hoo o sitwang ho kgetha. Ho feta metsotso o sa tsebe na o tla etsa jwang. O a qala. O a behisa. Na ekaba bolekehadi bola bo beilweng mona bo ntse bo tshwere nako, kapa qheku lela le dutseng pela bona le ntse le bo sotha hobane lona le se le hopotse ho ya hae!

5.1.1 Nehelana ka sehlooho sa moqoqo ona. (1)

5.1.2 Motho ya ngolang hlahlobo o bososediswa ke eng? (2)

5.1.3 Hobaneng motho ya yang hlahlobong a eba le letswalo? (2)

5.1.4 Bolekehadi boo ho buuwang ka bona ke eng? (1)

5.1.5 Pele motho a qala ho ngola hlahlobo, ke eng se etsang hore a rapele? (2)

5.1.6 Dihlahlobo tseo motho a kopanang le tsona ke dife? (2)

5.1.7 Bophelong hlahlobo ya ho qetela e bitswang? (1)

**Qotso B**

Ho thata ho hloka metswalle. Nka hla ka re, ka dinako tsohle re ntse re ena le metswalle le ha mohlomong e ye e ke hae yo ka nako tse ding.

Ngwaneso, ha o hlaha lefatsheng lena o fihla o se o ntse o ena le metswalle e o lebelletseng, e thabang ha o fihla, e didietsang, e tshelang ntatao ka metsi kapa e mo shapang ho beha hore o fihlile. O a holahola, o a kgasa, o a tsamaya....., ha o kgase o le mong, o kgasa le moshanyana kapa ngwananyana wa ntlo e bapileng le yeno, kapa le motswalao. O hlaha mahlo mme o iphumana e se e le metswalle ya hao.

Le a hola kaofela. Le utswa mahe, le thuha difenstere, le utswa diperekisi....Le a tshwarwa, le a shapuwa. Nako e ntse e tswela pele. Ka le leng la matsatsi le romelwa sekolong. Le ya teng ka phatla tse benyang, ka meomo e hlatswitsweng, maoto a kutleditsweng, dihempe tse konopetsweng hantle; e, le ona matlapa a hlatswitsweng hantle ao le ilo takaka hodima ona.

- 5.1.8 Ke eng se etsang hore ho hloka metswalle ho be thata? (2)
- 5.1.9 Ho etswang ha ngwana a hlahile? (1)
- 5.1.10 Ke bofe bohlokwa ba hore ntata ngwana a tshelwe ka metsi kapa a shatjwe ha ngwana a hlahile? (4)
- 5.1.11 Mongodi o bolelang ka “o hlaha mahlo ...” (2)

**KAPA**

- 5.2 Meqoqong e hlahellang bukeng ena ho hlahella setaele se itseng sa bongodi. Qoqa ka setaele seo o itshetlehile hodima tse latelang:

Mokgwa oo mongodi a hlahisang ditaba tsa hae ka wona o a ikgetha. Qoqa ka tse latelang ho hlalosa bongodi ba hae.

- Setaele (10)  
Kgatikelo ya ditokelo tsa basadi (5)  
Karaburetso ya pono (5)

**(20)**

**MATSHWAO A KAROLO YA C: [20]**